


榊花盒詩
附錄外集





詩 盒 花 琳

集外 錄附

著 琯 廷 葉

編主五雲王

編初成集書叢

詩 盒 花 楸

集外錄附

中華民國二十六年六月初版

著 者 葉 廷 琯

發行人 王 雲 五

上海河南路

印刷所 商務印書館

上海河南路

發行所 商務印書館

上海及各埠

*E九八二

長



叢書集成

初編

主 王
編 雲
者 五

商務印書館發行

AWT236/03

梨花盦詩

本館據滂喜齋叢
書本排印初編各
叢書僅有此本

楸花盦詩劫餘草自序

曩余刪存舊作古近體詩一編。庚申四月失去。初意從此不作詩矣。及來浦西。避亂窮鄉。羈棲踰歲。無書可讀。無友可談。并無地可遊憩。悶極輒復拈小詩以消旅寂。率臆而吐。信手而書。等諸郢曲山歌。不自知其工拙也。惟以年老氣薄。所存多五七言律絕。古體僅偶爲之。隘陋之譏。知所難免。或語之曰。唐之許渾。秦系。宋之林逋。不皆僅以近體傳耶。君何自歎焉。余曰。之數賢者。近體各有名作。自足傳世。不敏則安敢援以自解乎。然則君之存此何爲。曰。古人云。家有敝帚。享之千金。拙詩雖無可取。錄而存之。亦聊託於敝帚之戀爾。

咸豐辛酉初冬之月。十如居士葉廷琯自識於古烏涇寓舍。時年七十。

自序

少歲從師。埋頭帖括。中年閱歷。粗識讀書。家難游更。客遊遠邁。廢書自悼。俯仰無聊。惟借歌詩。用消恨緒。隨手散棄。錄稿無多。刪汰所存。裁三百耳。置諸篋衍。不欲示人。庚申竄避。展轉遺失。等之泡影。亦遂已矣。比來滬上。稍有新篇。觀新索舊。友問沓至。燈前枕上。默想沈思。事類捕亡。情疑尋夢。蒐羅補綴。二百未盈。長歌大篇。不復能憶。讀書無成。學詩亦爾。姑錄是帙。志我媿思。覆瓿投匭。一任世評。獨立蒼茫。喟然撲筆。同治壬戌八月之閏二十有八日。十如居士自題。

楸花盦詩卷上

清 吳縣葉廷琯調生著

憶存草

小雲樓訪周忠介公讀書樓次王簣山廉訪賡言壁間原韻

招提閒訪竹間樓。爲仰孤臣舊跡留。榜字尙看凝碧血。小雲樓三字公被逮時所書書聲如聽落高秋。遺文零落埋千古。

故宅荒涼傍一邱。公著作甚多。難後爲戚吳某焚棄宅在墓東林家巷。裔孫居之。憑弔忠魂有名宦。薦殲不藉老僧謀。

蘭陵孝女花

紅紫紛千朵。蘭陵妙製傳。一雙嬌女手。八十老親年。南國有春色。北宮無古賢。寄言閨閣裏。莫但愛花妍。

讀內弟陳朗玉通守裴之湘烟小錄綴成韻語代寫哀思。朗玉有姬人婉君之悼香錄。其堂上暨家人所作誄傳哀詞并同人題詠諸作。又自撰香婉樓憶語及夢玉詞。

輯爲一編。阮芸臺先生取凌忠介公湘煙錄之意。爲題此名。余既題二十絕句。復附識於此。

紫玉西風遽化煙。霜禽情海恨難填。誰知香草靈均感。詩識先成十載前。
 定情本事最風華。傳遍青溪姊妹家。醉倚玉梅聽俊語。可人夫婿是秦嘉。
 煙江催放木蘭舟。到及蕪城正晚秋。一樹瓊花摹豔影。美人端合住揚州。
 澹暈修蛾月二分。孤芳那用異香熏。篠園春讌歸來後。疊損泥金簇蝶裙。
 寒衣鍼綫及秋忙。小隊弓刀送玉郎。風雪天涯能報國。幾曾翠黛怨凝妝。
 問疾晨昏侍祖庭。齋心禱佛乞延齡。千秋賢孝多名媛。至性尤難是小星。
 寒閨大婦病纏綿。藥裏深宵手自煎。甘作東風桃李代。心香一瓣祝瑤天。
 翦蝶殷勤寄故鄉。翩翩自喜勝鴛鴦。那知易醒梨雲夢。雙宿雙飛命不長。
 願佐蘭閨奉老親。報郎豈在侍征輪。綠窗記取殷勤語。要覓清娛作替人。
 春來小病學維摩。骨瘦香桃冷翠蛾。蕉萃檀奴相伴處。玉簫淒咽洞仙歌。
 歸省親闈強自寬。人天從此路漫漫。石頭城下無情水。送過明妝送玉棺。
 玉女投壺紫電輝。房櫳永夜侍萱幃。最憐病榻聞雷際。夢裏還思化鶴歸。
 粉盞脂奩浥淚痕。妝樓深鎖月黃昏。盈盈素旆空江外。縹緲先歸倩女魂。
 江國新涼雨又風。待郎來已掩殘紅。更無通替能相見。落葉哀蟬一哭中。

愁見蘇臺拂柳絲。歌離弔夢早秋時。雙鬢掩淚瑤笙咽。怕唱淒涼夢玉詞。
妝臺愛聽雨瀟瀟。更翫涼蟾倚綺寮。此後弦秋孤館夜。翦鐙何忍種芭蕉。
昨歲吳門畫舫回。虎山清梵暮雲開。前身香界司花史。環珮還依古佛來。
香碗樓頭月自明。蕭郎孤影坐殘更。一編寫就傷心史。便抵奇香燕返生。
玉色瑤情絕妙詞。江南詞客弔蛾眉。哀言別創千秋例。二老文章大婦詩。
秋榭微波冷翠屏。歸舟重泊短長亭。銀箋拈出傷心句。遠笛哀秋可耐聽。

乙酉秋赴試金陵道中卽事同莊清溪

東發朱條生 輪作

又趁寒潮到蔣州。招來仙侶喜同舟。未離塵網慚魚鳥。莫問風檣任馬牛。
科第百年成斷夢。

清溪近從舊書
中檢得康熙乙

酉科南闕
題名錄

江山六代易悲秋。老親惜別還敦勉。苦爲浮名更薄游。

書貝三泉丈熙癸未賑荒紀事錄後

名位有崇卑。功德無大小。誰謂施一鄉。未足爲世表。緬昔癸歲秋。災祲起積澇。田廬汨洪流。巷陌橫餓殍。
嗟彼守財虜。肉糜恣獨飽。指囷誼孰敦。乞米帖空好。君本經濟才。兼具痼瘵抱。未獲民社膺。先謀鄰里保。
同志近可邀。良規古是考。功雖三月終。福已一方造。自來荒政多。所患治人少。得如君數輩。落落布當道。

假以事權優。勿使文法撓。歌詠春陵哀。詔書淮南矯。衽席登斯民。此事肯草草。掩卷感君懷。願世長熙皞。

積善菴西院觀古梅同印印川

庚祚

朱條生 輪作

一徑招提入。尋春興偶乘。舊遊懷老輩。

錢松壺陳雲伯兩先生。前年曾來遊此。

清話萃良朋。樹古尊於佛。花寒瘦若僧。妙香同

領略。塵夢澹禪燈。

登黃鶴樓作

飛樓天半鬱崔嵬。倦客心情到此開。遠浦日斜帆影亂。高城秋早笛聲哀。江山寂寞餘仙跡。戰伐銷沈感

霸才。題壁崔郎殘墨在。吟魂化鶴倘重來。

婦弟陳小雲通守集中有黃鶴樓詩。劇佳。去冬沒於漢上。故感及之。

歲暮得顧子雨

曙元

程序伯

庭鶯

吳門書賦此寄懷。卽次子雨夏初贈別二首元韻

餞春筵上話長征。送我征帆一葉輕。省識百年如逆旅。終期十畝足歸耕。故山雲樹孤兒夢。

去秋纔營
窆先君子。

異

地風霜獨客情。減盡吟懷消盡酒。鏡中贏得髻絲生。

暮燭虛堂照影單。驚心歲序又將闌。他鄉魚素勞頻寄。舊侶鷗盟幸未寒。孤露自傷爲客早。未流尤恐立身難。故園已負看花約。江路梅花忍獨看。

詠豹

漢口後湖。有外來無賴數輩。檻舁一豹。索觀者以錢。得錢則買彘肉啖之。豹弭首掉尾。摧抑可憐。感而賦此。

一別南山侶。摧頽氣不伸。曾聞隱霧雨。誰使困風塵。輟略難經世。文章悔誤身。雄姿終奮躍。飢飽漫隨人。後湖觀水偶得絕句

漢口後湖。一名瀟湘湖。冬春水涸。遍種菜花。故又名黃花地。梅雨漲發。則汪洋巨浸矣。

煙波浩渺似瀟湘。誰識春來菜陌黃。欲與麻姑話塵劫。一年一度小滄桑。

黃鶴延秋歌爲黃芳谷司馬至棠作

山公習池醉。逸少蘭亭遊。歐陽龍門雪。蘇子赤壁舟。古來才彥多勝賞。每借勝地消煩憂。矧茲黃鶴著仙跡。縹緲天半懸飛樓。謫仙去後一千載。高會寂寂江山愁。搗逢黃叔度。才本仙之儔。登樓曾此啓文讌。招邀秋士同延秋。我來惜已晚。有轡無因投。主客圖存幸相示。大癡落墨雲煙遒。

黃穀原參軍作圖

卷中名作更林

立快哉滿目琳琅收。想當憑闌攬秋意。涼波瀉入金尊流。洞庭秋聲木葉下。巫峽秋氣寒雲稠。秋色紅歇斷岸蓼。秋光白點翔空鷗。脩以管絃秋欲語。送來風月秋能酬。君之於秋有神契。仙心渺欲淩滄洲。緬昔霸圖競漢季。此間舊事談曹劉。散花洲上犒軍飲。江東曾借周郎籌。祇今憑弔戰伐處。秋江數點遙青浮。太息英雄浪淘盡。豈若文采能長留。期君更作餞秋集。鐵笛一奏商聲謳。仙人倘亦惜秋去。定復羽衣跨

鶴來樓頭。

鸚鵡洲弔禰正平墓

漁陽搗罷氣如雲。亂世多才最惜君。竟使冥鴻罹雉網。也嫌野鶴立雞羣。賦辭待勒韓陵石。薦表長垂漢代文。太息曹劉紛割據。幾人荒壟掩斜曛。

歲暮懷故鄉同社諸友各系一詩

生平益友此多聞。莊語諧談總愛君。一病秋風感憔悴。舌端可復氣如雲。

趙禮甫孝廉。

吳下才人第一流。修蛾曼睩自無儔。廿年纔得良媒問。略慰嬋娟晚嫁愁。

吳侶棠茂才。時方爲學使者議拔。食飢商踰四十矣。

中年身世劇蕭騷。賃酒傭書興不豪。但得清貧留傲骨。男兒莫怨老蓬蒿。

陳醉吟上舍。

笑指鶯湖作酒杯。草堂正對碧波開。他年菰雨蘆煙裏。漁隱從君結伴來。

徐江帆茂才所居平望。在鶯脰湖濱。飲中推大戶。

酒座詩場感盛懽。聽松愁說舊門闌。書生本色頭銜好。莫笑才人作冷官。

汪季白廣文家有白皮松最古。聞近將棄所居以救貧。

不見莊生半載餘。襟懷澄澹氣蕭疎。幽蘭門巷真幽絕。恰稱伊人卜宅居。

莊清溪茂才。

笠東詞客蕭閒甚。畫筆翛然見性靈。同倚垂虹看春色。桃花一簇鴨瀟亭。

俞少甫明經畫筆爲王椒翁高第。家在松陵。城北有笠東艸堂。

十年交誼此心知。篋裏猶存送別詩。屈指長安花事近。春風休更著鞭遲。

朱儵生謫部由拔奉得官。時假滿將還朝。併應京兆試。

傷心同廢蓼莪篇。孝友承家爾獨賢。辛苦麻鞋風雪裏。空山曾否卜牛眠。

程璧堂孝廉與余先後奉諱。余因避家難。不得已作楚遊。

新詩寄我楚江濱。獨向天涯念旅人。記否僧寮茶話日。梅花又是一年春。

管谷香茂才。

夷陵三游洞明人重刻白樂天遊記鄭少山攜示拓本爲題一詩

巴峽東來勝跡稱。香山逸事話夷陵。偶因遠宦尋巖壑。暫借閒遊聚友朋。雲外泉喧幽磬石。酒邊月挂斷崖藤。多君雅慕前賢躅。遺碣親搜峭壁登。

客邸贈高郵高莖齡徵卽送歸邗上

江左書名第一流。華林祕籍燦銀鈎。簪花格已邀宸賞。莖齡曾寫明鑑全帙進呈。荷睿廟褒許。有不讓內廷諸臣之說。泛梗身仍寄客遊。半月

鷗盟聯漢水。十年鴻隱傷揚州。烏絲滿幅珍珠字。展向臨歧總別愁。

漢陽月湖隄春遊卽景

東風吹綠到陂田。妍暖時光過禁煙。客子遊踪常嬾散。江皋景物易留連。春波小艇柳陰路。午寺晴鐘花外天。最憶山塘頻買醉。鄉心無賴繞吟鞭。

俞少甫岳書梅扇上自都門寄贈

故人千里寫相思。扇底春風寄一枝。似爾緇塵渾不染。依然冰雪舊丰姿。隴頭信早伴郵函。想見含毫墨趣酣。今日梅花翻舊例。卻從薊北寄江南。

桃花夫人祠題壁

桃花夫人卽息夫人也。祠在月湖隄上。自來詩文家咸據左傳。於夫人多所譏議。按列女傳。楚伐息。虜其君使守門。夫人與賦穀則異室之詩。要以同死。韓詩外傳亦載之。是夫人固以死殉息侯。與左氏所紀大異。外舅陳雲伯先生文述曾本此說作詩。以矯盲左之失。又考之史記。世本。作文辯堵敖成王。非夫人所生。其說甚詳。余偶過祠下題詩。亦本先生之意。庶幾風人忠厚之旨云爾。東風憔悴此蛾眉。家國傷心祇自知。設誓定償同穴願。報恩何異墜樓時。誰憐薄命花飄瀾。莫信成陰子滿枝。千古青陵同怨血。漢濱轉惜託叢祠。

吳江王瘦梅與沂自都門寓書以鶴守齋圖索題爲賦長歌報之

王郎種梅三百樹。一齋小築花間住。夜深人聽讀書聲。月白香濃不知處。不須翠羽啼黃昏。此中便是羅浮村。有時客到聞剝啄。老鶴一聲先應門。青衫策蹇游京國。兩載花時歸未得。繁英吹滿舊書窗。鶴步虛堂黯塵跡。頻向春明憶故廬。幸攜摩詰輞川圖。圖爲王叔睦先生所畫寒叢細認齋前樹。一夜歸心滿五湖。緘書索我

題長句。猶記相逢玉峯路。離合雲萍又五年。此情合向梅花訴。我亦塵緣未息肩。故園屢負看花天。春風期爾歸帆早。同醉茅簷抱鶴眠。

趙竹齋

桂生

捧檄赴蜀道。經漢上快敍句。日賦此贈行。

客路逢君又送君。天涯何日再論文。萍浮遠水風初合。雁到長空影易分。名士壯遊宜入蜀。才人薄宦愛參軍。酒邊更觸懷人夢。薊北江南總暮雲。

時條生瘦梅仍留都門。少甫方山已還吳下。

客中爲人題蘆雁小景

征途伴侶偶相依。風露叢中暫息機。入世早知繒繳近。謀生肯羨稻粱肥。夜涼楚館銀箏歇。天遠吳門錦字稀。誰識塗鴉題句者。江湖飄泊正孤飛。

筆山吟屋詩全椒金子春茂才

旺華

索作

怪爾毫端逸氣催。凌雲勢若鬱崔嵬。試看老屋吟壇啓。正對奇峯筆陣來。抹月批風如有助。倚天拔地始稱才。配他萬管編成筏。

用隨園老人夢中事。

歸夢浮江一溯洄。

觀子春煙波畫船冊子偶憶吳中舊遊

江南此境最銷魂。舊夢摩挲尚有痕。雙槽曳聲迴綠水。千燈浮影送黃昏。秋風蘋葉尋詩路。細雨桃花賣

酒邨他日五湖容泛舸。鷗夷名姓待君論。

王節母詩爲令子漢槎上舍熙源作

夫亡婦守節事比死節難。死猶血性激。守必庸行完。煌煌文恪裔。迺有真節母。自李歸于王。十六及廿九。一旦痛分訣。誓死將從夫。勉奉舅姑命。爲夫撫兩雛。豈期厄運頻。舅姑相繼沒。一雛旋又摧。淚枯血亦竭。顧念夫沒久。未獲歸山邱。一雛方稚弱。窻窳將誰謀。爲夫撫幼雛。仍遵舅姑命。葬夫與教子。廿載心力竟。雖今已授室。籲天爲母旌。天恩自褒節。母意遑求名。古來殉節人。一死無餘事。試較母所爲。孰難而孰易。

寄內

南浦春波送客舟。流年似水又深秋。憐卿力瘁營巢燕。悵我身成逐浪鷗。夜雨羅衾應夢遠。西風錦字但緘愁。嫩寒病體須珍重。早雁聲中莫倚樓。

金谿李香谷湘自夔州還過漢臯客中把晤賦贈二律卽書其昔年字水省親圖後送歸故里

風雪殘年盡。江湖獨客還。詩才前輩重。雲翁極賞其詩旅跡暫時閒。葉落荆門樹。花明蜀道山。一樽聽話舊。聊與

洗塵顏。

陟岵詩人事。趨庭孝子心。丹青留昔夢。風雨動哀吟。征雁寒依渚。啼鳥倦返林。望雲增我痛。親舍渺難尋。

鄂城拜家忠節公祠下敬賦